

fide vacilent, Hæretici magis in errore confirmetur, ac orthodoxa fides contemptui exponatur; Nam quisque tenetur, proximi salutem, dum potest, consulere, contemnentem fidem orthodoxam ita compescere, ut inde Hæretici majoris contemptus, & derisionis occasio non arripiant, & ne Deo injuria fiat, impedire, illamque vindicare. Sed, remotis hujusmodi circumstantiis, disputatio de rebus fidei Laici est prohibita. Sacerdotes nisi sint valde periti, ex consilio debent se abstinere, excusando se bonis verbis, & pretextibus; ex Decreto Sac. Cong. de Prop. fide 27. Februar. 1630. Sed licet periti sint Sacerdotes, sive Missionarii, cavere omnino debent, ne Hæreticos ad disputandum provocent: in causa enim essent, ut Hæretici orthodoxa dogmata refellendo, hæreseos actus exercerent, ac catholicam fidem contemnerent; quæ dux res grave per se peccatum faciunt; & ne colloquiis privatim disputationes de fide miscendo, eosdem Hæreticos sine fructu ullo moveant ad orthodoxæ fidei contemptum, & Catholicorum, non sine Religionis detrimentum, persecutionem. Hæretici enim, inquit Augustinus lib. 15. contra Faustum cap. 2. non disputationem amant, sed quomodo superare imprudentissima perniciosa, ut congregent, & cum illis certent. Et S. Bernardus ser. 66. Cant. Nec rationibus convincuntur, quia non intelligunt, nec auctoritate corriguntur, quia non recipiunt; nec flectuntur suasionibus, quia subversi sunt.

74 A publicis disputationibus cum Hæreticis Missionarii abstinere omnino debent. Sac. enim Cong. de Prop. fide 8. Mart. 1625. Jussit publicas disputationes non fieri cum Hæreticis, quia plerumque vel ob eloquentiam, vel audaciam, aut circumstantias populi acclamantis, veritas falsitate prævalente opprimitur: & si aliquando hujusmodi disputationes recusare non possent, primum de illis certior fiat Sac. Congreg. quæ juxta temporis, & personarum qualitatem, quid agendum sit præscribit. Quamobrem, cum Missionarii nonnulli ann. 1635. publicas de Religione disputationes cum Batavis Constantinopoli coram Vicario Patriarchali instituisent, Sanctissimus mandavit, significari Generalibus Regularium Peræ commorantium, ut illis interdicerent, ne hujusmodi congressus, aut disputationes publicas imposterum facere præsumerent sub penis arbitrio Sac. Cong. Sup. Inq. Et Sac. Cong. de Prop. fide die 19. Januar. 1644. eisdem Missionario in Armenia mandavit, ut ad disputationibus cum Patriarcha Armenorum in Eruam circa articulum duarum naturarum in Christo esse abstinere.

75 Multo minus licitum est Missionariis sine expressa Romani Pontificis licentia convenire ad indicere ecclesiasticum, in quo cum Hæreticis de Religione disputent. Hinc eadem Cong. die 27. Maii 1644. reprehendendum censuit P. D. Joannem Judischi Missionarium. Quod suscepit onus convocandi dictum conventum, sine Sedis Apostolicæ speciali mandato.

76 Porro si Romanus Pontifex hujusmodi conventum permittat, quinque sunt necessariæ conditiones, ut rite fiat. 1. Ut hæretici, non ut Judices, & cum jure suffragii conveniant; sed ut instruantur, convincantur erroris, & corrigantur. 2. Ut non definiantur fidei dogmata, sed definita à Conciliis, vel Apostolica Sede, à Deo revelata esse demonstrentur. 3. Ne fiant coram plebe, sed coram doctis. 4. Ne sedeant tamquam Judices laici, etiam sint Principes. 5. Non debent Catholici Prælati à laico Principe cogi ad conventum, sed tantum invitari, & peti debet à Summo Pontifice licentia, ut possint ea de causa à propriis ecclesiis abesse: Hæreticos autem, & Schismaticos poterit Princeps cogere, ut vocati à Prælati Catholicis veniant ad reddendam rationem sui erroris, ut ita corrigi, & convinci possint.

Nomina Turcica, seu Mahumetana non licet Christianis assumere, sibi imponere, ad evitandas penas, vel quamcumque utilitatem captandam; Benedicti XIV. Constitut. incip. Quod Provinciale §. 1.

Eisdem utentes Sacramentorum incapaces, ac suffragiorum post mortem indigni declarantur; Idem ibid. §. 4. B

FIDEI PROFESSIO.

SUMMARIUM.

- 1 Jure ecclesiastico obligantur ad emittendam fidei professionem omnes baptizandi.
- 2 Hæretici ad ecclesiam catholicam redeuntes tenentur prius arbitrio Episcopi publice suam hæresim abjurare, & fidei catholice professionem emittere.
- 3 Fidei professionem emittere tenentur omnes Magistri, Regentes Universitatum, & docentes quascunque scientias, etiam grammaticam, & alii quoscunque artis, & facultatis professores, sive laici, sive Clerici, etiam Regularis illi fuerint, & qui ad aliquem gradum promoveri voluerint.
- 4 Fidei professionem emittere debent Advocati, Procuratores, Judices, Medici, Chirurghi, Confessarii omnes, & Concionatores saltem semel, respectu Prædicatorum tamen Sacra Congregatio Concilii in una Brugnaten. declaravit neque Regulares predicare volentes emittere tenentur fidei, nisi ab Episcopo exigatur.
- 5 Item fidei professionem emittere tenentur Bibliopole, & Typographi.
- 6 Contra Lectores, Magistros, Rectores, vel Cancellarios Gymnasiorum, promovendos ad Doctoratus, aliosve recessus in Constit. Pii IV. incip. In Sacrosancta, si non emittant fidei professionem, imponitur pena nullitatis actorum, & alia imponuntur contra Rectores, & Superiores quoscunque Universitatum, & Gymnasiorum.
- 7 Episcopus non exigens, nec recipiens à Doctoribus, & Scholaribus fidei professionem, incurrit penam interdicti ab ingressu ecclesie.
- 8 Inferiores vero non recipientes ut supra, excommunicationis late sententiæ, privationis dignitatum, beneficiorum, officii, & feudorum incurunt penam.
- 9 Fidei professio est faciendâ à Græcis, & sub propria sua formula.
- 10 Fidei professio facta ab Imperatore Græcorum Lugduni eadem fuit cum illa, quam faciunt Latini.
- 11 Fidei professio, simul ac specialis promissio de eadem usque in finem sincera cordis devotione, ac constantissime retinenda debet emitti ab omnibus illis, qui ad Sacros Ordines sunt promovendi.
- 12 Item fidei professionem facere tenentur promoti ad episcopatum.
- 13 Omnes Episcopi in principio Concilii provincialis debent fidei professionem emittere, & jurare observantiam Sac. Concilii Tridentini.
- 14 Item Beneficiati omnes, & ii, qui in synodo diocesana convenire debent, fidei professionem tenentur emittere in prima synodo, cui adfuerint.
- 15 Canonici, & Dignitates ecclesie cathedralis tenentur à die adeptæ possessionis ad minus intra duos menses fidei professionem facere, non solum coram Episcopo, vel ejus Vicario Generali, sed etiam coram Capitulo.
- 16 Hanc fidei professionem Canonici, & dignitates cathedralis tenentur facere per seipos personaliter, & non sufficit per procuratorem.
- 17 Coadjuutores Canonicorum, seu Dignitatum cathedralium de rigore Juris communis, seu Concilii Tridentini non tenentur emittere professionem fidei.
- 18 Nec talem professionem fidei tenentur facere Portuarii, Vicarii temporales, & alii provisores capellanis in ecclesia cathedrali.
- 19 Nec ad ipsam fidei professionem emittendam tenentur jure Tridentini, & cit. constitutionis Pii V. Canonici, & Dignitates ecclesiarum collegiarum, & possidentes beneficia inferiora non curata. Vide

tamen verb. Canonici, ubi late de expectantibus ad hanc fidei professionem.

30 Prælati Regulares, qui proficiuntur monasteriis, conventibus, domibus, & aliis quibuscunque locis Regularium, an tenentur ad fidei professionem, ad num. 21.

31 Regulares Concionatores non tenentur ad emittendam fidei professionem, nisi ab Episcopo exigatur.

32 Adhuc ad rem notabilis Resolutio Sac. Congregat. Concil.

33 Substantur supplementa ex aliena manu, ad numer. 26.

- 1 Jure ecclesiastico obligantur ad emittendam fidei professionem omnes baptizandi, arg. cap. Prima igitur 73. dist. 4. de consecr. Si autem aliqui baptizandi per se ipsos professionem fidei emittere nequeant, ex quo credere, & loqui non valeant, ut parvuli, amentes, vel muti, tunc debet talis fidei professio fieri per alium, nempe per Patrimum, textu expresso in cap. Parvuli alio proficiente 74. dist. 4. de consecr. ibi: "Parvuli nullo proficiente baptizantur, quia adhuc loqui, vel credere nesciunt, sicut etiam ægri, muti, & surdi, quorum vice alius proficeretur, ut pro eis respondeat, vidum baptizantur." Hæretici ad ecclesiam catholicam, & apostolicam redeuntes tenentur prius arbitrio Episcopi publice suam hæresim abjurare; cap. Ad abolendam 9. de Hæreticis, & hoc rectissime fit emittendo fidei catholice professionem juxta formam de facto in ecclesia usitam; à Pio IV. ab omnibus uniformiter observandam præscriptam in sua constitut. incip. Injunctionibus. Immo antiquitus hæretici redeuntes ad unitatem Sanctæ Mariæ Ecclesie Catholice tenebantur fidei professionem etiam per scripturam, atque oblatum libellum exhibere; cap. Si qui voluerint 8. cap. Maximum 19. & cap. Donatum 2. cap. 1. quest. 7. Fidei professionem emittere tenentur Doctores, Magistri, Regentes Universitatum, vel Gymnasiorum, docentes quascunque scientias, etiam grammaticam, & alii quoscunque artis, & facultatis professores, sive Clerici, aut laici illi sint, vel quoscunque Ordinis Regulares, qui docere, vel ad aliquem gradum promoveri voluerint; Pius IV. constit. incip. In Sacrosancta: ad cujus calcem tradit etiam propriam formulam: Et Sacra Congregatio Concilii declaravit comprehendendi in dicta Bulla Pii IV. etiam docentes principia grammaticæ, musicæ, & aliarum artium, licet publicam scholam non faciant, sed in propriis domibus doceant. Sic refert Hieronymus à Sorbo in compendio privilegiorum Mendicantium verb. Professio fidei notabil. 4.
- 2 Fidei professionem emittere debent Advocati, Procuratores, Judices, Medici, Chirurghi, Confessarii omnes, & Concionatores saltem semel: Concil. Provincial. Mediolanens. V. tit. de professione fidei, & sic statutum reperitur fere in omnibus synodis diocesanis, & signanter in Synodo Alexandrina de anno 1733. tit. 1. de fidei professione; respectu Concionatorum tamen Sac. Congreg. Concil. in una Brugnaten. declaravit, neque Regulares predicare volentes emittere tenentur professionem fidei, nisi ab Episcopo exigatur, ut refert Nicolius lucubr. canon. lib. 1. tit. 1. num. 6. verb. Concionatores. Item fidei professionem emittere tenentur Bibliopole, & Typographi; Concil. Provincial. Mediolanens. V. verb. Librorum editio num. 21. Contra Lectores, Magistros, Rectores, vel Cancellarios Gymnasiorum, promovendos ad Doctoratus, aliosve recessus in dict. Constit. Pii IV. incip. Sacrosancta: si non emittant fidei professionem, imponitur pena nullitatis actorum; & alia imponuntur contra Rectores, & Superiores quoscunque Universitatum, & Gymnasiorum; Pius IV. ib. Episcopus non exigens, nec recipiens à Doctoribus, & Scholaribus fidei professionem, incurrit penam interdicti ab ingressu ecclesie; Pius IV. in dict. constitut. incip. In Sacrosancta: Inferiores vero non recipientes ut supra, excommunicationis late sententiæ, privationis, dignitatum, beneficiorum, officiorum, & feudorum incurunt penam; Pius IV. ib.
- 3 Fidei professio est faciendâ à Græcis, & sub propria sua formula; Gregor. XIII. constitut. incip. Sanctissimus: Tali tamen formula reformata fuit ab Urbano VIII. quam refert Nicollus in suo compendio Episcop. verb. Fides: Fidei professio facta ab Imperatore Græcorum Lugduni eadem fuit cum illa, quam faciunt Latini; Gregorius X. constit. incip. Exultate.
- 4 Fidei professio simul, & specialis promissio de eadem usque in finem sincera cordis devotione, ac constantissime retinenda, debet emitti ab illis, qui ad sacros Ordines sunt promovendi; cap. Quamquam 6. dist. 23. Item fidei professionem facere tenentur promoti ad Episcopatum; cap. Qui Episcopus 2. dist. 23. cap. Optatum 4. dist. 100. Concil. Trident. sess. 24. cap. 1. de reform. Gregor. XIV. constit. incip. Onus Apostolicæ. Formam autem hujus professionis fidei, ac juramentum tradidit in Pontificali Romano jussu Clementis VIII. edito; vid. verb. Episcopus art. 2. num. 17. & sequent. Omnes Episcopi in principio Concilii provincialis debent fidei professionem emittere, & jurare observantiam Sac. Concilii Tridentini, ut est injunctum in ipso Tridentino, sess. 25. cap. 2. de reform. ubi insuper statuit, quod si quis veniet, statim denuntiatur Summo Pontifici à Coepiscopis sub pena divinæ indignationis, & interim prædictis reuens communionem aliorum privetur. Item Beneficiati omnes, & ii, qui in synodo diocesana convenire debent, fidei professionem tenentur emittere in prima Synodo, cui adfuerint; Conc. Trid. cit. sess. 25. cap. 2.
- 5 Canonici, & dignitates ecclesie cathedralis tenentur à die adeptæ possessionis ad minus intra duos menses fidei professionem facere non solum coram Episcopo, vel ejus Vicario Generali, sed etiam coram Capitulo, Conc. Trid. sess. 24. de reform. c. 12. verb. Provisores; & Pius IV. constit. incip. Injunctam Nobis: Hanc fidei professionem Canonici, & dignitates cathedralis tenentur facere per se ipsos personaliter, & non sufficit per procuratorem, ut pluries censuit Sac. Congreg. Conc. & signanter in Seguntina 18. April. 1590. & iterum in alia causa die 12. Sept. 1620. & in Calaguriana 22. Sept. 1696. & in Calucen. 6. Febr. 1726. adeoque propter talia decreta non sunt attendendi Doctores sustinentes posse fidei professionem emitti per procuratorem specialiter Deputatum, Coadjuutores Canonicorum, seu dignitatum cathedralium de rigore Juris communis, seu Conc. Trident. non tenentur emittere professionem fidei, quia Coadjuutor durante coadjutoria nondum est verus canonicus; Barbosa de offic. & potest. Episcop. part. 3. allegat. 61. num. 13. & 14. & de Canon. cap. 27. num. 12. Gonzalez ad regul. 8. Cancell. Gloss. 5. §. 9. num. 100. Garzias de Benefic. cap. 4. part. 5. num. 74. & 76. & alii passim. Nec talem fidei professionem tenentur facere Portuarii, Vicarii temporales, & alii provisores de capellanis in ecclesia cathedrali; Barbosa lib. 1. Juris eccles. univers. cap. 2. num. 64. & de Canon. cap. 17. num. 13. Reiffenstuel lib. 1. decretal. tit. 1. §. 8. num. 166. Sanchez lib. 2. in Decal. cap. 5. num. 1. & alii passim; & ratio est, quia supradicti omnes non comprehenduntur sub illis personis, quas Conc. Trid. cit. sess. 24. cap. 12. de reformat. & Pius IV. in constitut. incip. Injunctam nobis: obligavit ad fidei professionem, ut legenti patet; unde cum ibi sancita à Tridentino, & Pio IV. sint penalia, & novi Juris induciva, non debent extendi ultra personas expressas, nam penæ sunt restringendæ juxta Regul. 15. & 49. Juris in 6. Jurium enim correctio, quantum fieri potest, est evitanda, cap. Cum expediat, de election. in 6. proinde non censetur plus de priori lege mutatum, quam est expressum; leg. Præcipimus Cœd. de Appell. Nec ad ipsam fidei professionem emittendam tenentur jure Trident. & cit. constitut. Pii IV. Canonici, & dignitates ecclesiarum collegiarum, & possidentes beneficia inferiora non curata; sic decisum fuisse à Sac. Congreg. Conc. die 12. Febr. 1688. refert Garzias de Benefic. part. 3. cap. 3. num. 11. & Barbosa in Sum-

